

I2 BERGEN-BELSEN (D)



Le marimaskê frontur kata savezno kêtaniya pašile de kata o milaj 1944 sja maj but, anda kodja musaj sas te phandaven pe sja maj but KZ-ura. Pe tomna 1944 arêsele kata l' phandade KZ-ura miji de miji desja čine řobur pe takozvani „moartjakê maršur“ o Bergen-Belsen. Po ivend 1944/1945 arakhadile maj but de 60.000 řobur ando prja pferdo logoro. Mařkar lende sas vi vuni řêla Sinti taj Řom anda KZ Buchenwald. Kana po aprilo 1945 e englezicko kêtaniya slobodisardja o logoro, arakhlja voj bare grêmade bi-angropome mule manuša. But žene kaj ži kote ašilesas žuvinde, sas te meren bokhatar.

💡 Žanglen tumen

...kê pe anglune són palaj slobodacija merenas još 14.000 manuš, kaj ašilesas ži kote žuvinde? Von merenas anda baro čino taj anda bokhako čino. Von angêrdile ande l' lacaretur kataj briticko kêtaniya numa von sas veĉ prja čine te bi arakhênas pesko drom palpale ando trajo. ...kê karing 80.000 manuš xaile ande Bergen-Belsen?

✍ Tumari bući

Roden informacije, anda soste taj katar mêrenas pe angluno taj pe dujto ljumako marimos le maj but manuš, kaj sas ande „Internierungslager“ phandade!

📷 Paj fotografija

Řobur kata KZ Bergen-Belsen palaj slobodacija. ITS-Internationaler Suchdienst Arolsen/Deutschland.



<https://www.romasintigenocide.eu/kalderasch/i>

1910

1951

1945